

Annes medicis sunt cōsuetæ. Verū quod cōmune est unctioni ac punctioni, nūc sane Hippocrates cōsulit caueri, hoc est multum ac subitam euacuationem. sic enim uidetur cōtingere, ut ait. Scriptū est etiam ab Erasistrato exquisitus de ijs, qui aqua inter cutem laborant, in pluribusq; compertū dicit experientia, multam ac subitam euacuationem febres & mortem afferre. Videmus aut & in alijs partibus æquè atq; in thorace, quando aliquis magnus tumor suppuratur, periculose esse subito multum euacuare, cum euestigio deficiat anima, uiresq; concidat, nec postea debilitas ista facile remedium habeat. Videtur itaq; in his propter magnam uulneris distantiam, & puris acrimoniam, ora quorundam vasorum arteriosorum adaperiri, quæ prius, ueluti quoddam operculum, pus continebat: quo uniuersim euacuato, multi cum eo sp̄iritus exeunt atq; excernuntur: unde periclitantur. In aqua uero inter cutem non modo ob hanc causam ea laborantes offenduntur, sed & durities uisceris, ut quæ non amplius sustentatur ab aquosa substantia, & septum transuersum deorsum trahit, & uiscera, quæ sunt in thorace.

28 Eunuchi neq; podagra laborant, neq; calui fiunt.

Eunuchos sectio testiculorum similes efficit fœminis. Sicuti ergo in eis caluities non accidit: sic neq; in eunuchis, propter temperaturæ humiditatem. Nam eunuchos podagra non laborare, B Hippocratis quidem tempore uerum extitit: nunc uero non amplius, propter immodicū ocium, & uitum intemperantem. Res autem tota ita se habet. Necesse est pedes natura esse imbecilliores, si quis podagra corripi debeat: sicut & cerebrum, si morbum comitiale passurus sit. non tamē est omnino necessarium alterutrum pati, si nihil in uita deliquerit. Disces autem aperte, quod imbecillitas partis non sit sufficiens ad generandā passionem ex intermedio tempore accessio- num: in quo prorsus non infestantur, quamuis naturalis imbecillitas continua sit. Clarum est au- tem hoc, & in podagricis manifestissime apparet, quod influente aliquo ad pedes humore su- perfluo, passio generatur. Si nunquam igitur hic humor influeret, liqueat, quod neque unquam ac- cideret passio: Non influet autem, si semper uacans superfluitatibus corpus extiterit. Erit autem uacans superfluitatibus, si mediocri utatur exercitio, & homo bene cibum cōcoixerit: unde & desidia & crapulae eis nocent. Nocent etiam multa & potentia uina bibita, præcipue cum aliquis ea iejunus potauerit. Hæc enim neruositam substantiam prompte percutiunt, sicut & coitus. Etate igitur Hippocratis pauci podagra laborabant, propter uitæ moderantiam: nostris uero temporibus usque adeo auctis edulis, ut nihil eis addi posse videatur, infinita est podagraru[m] multitudine: cum non nulli sint, qui ne exerceantur quidem, sed cruditatibus atque ebrietatibus incubant, C & ante cibum bibant uina potentia, ac uenereis utantur immoderate: non nulli uero, et si non in his omnibus, in uno saltem aut duobus delinquent. Atqui peccatum magnum cum fuerit: saepè in uno eorum, quæ diximus, deliquisse sat est. Ob hanc igitur causam etiam eunuchi podagra corripiuntur, quamuis nullum habeant usum uenereorum. Talis enim est eorum desidia, ingluuies, ebrietas, ut etiam sine uenereis podagra corripi possint. Hæc eadem & de articulari morbo dicta existimes. omnes siquidem, qui eo laborant, maxima ex parte prius podagrici fiunt. Accedit ad has causas, ob quas plerique incident in podagras, quod multi & patres & avos habuere poda- gricos, in quibus semen erat uitiatum: atque ideo filii uehementiorem fecerunt partium imbe- cillitatem.

29 Mulier podagra non laborat, nisi menstrua defecerint.

Mulieres non fiunt podagricæ, ratione euacuationis. Ostensum est enim in præcedente sermo- ne, quod, nisi humores superabundauerint, ex sola partium ad patiendum habilitate non potest podagra fieri. Verum rursus & hic, prius quidem erat uerum, ubi non omnino menstrua defecis- sent, quia parua erant delicta, quæ ætate superiore mulieres admittebant: nūc uero ob eorum ma- gnitudinem, quædam podagra laborant, ante quam menstrua deficiant, cum quampluribus pau- ca exeant, nonnullis autem uel mediocria.

30 Puer podagra non laborat ante usum uenereorum.

Quod magnam uim habeat ad podagræ generationem usus uenereorum, liqueat etiam in pue- ris, quemadmodum paulo antea & de eunuchis dicebam. Eunuchos itaq; uidimus quosdam po- dagra laborantes, pueros autem non uidimus. Verum, si quis tali est passione correptus: una cum hoc, quod & genuum articuli & manuum intumuerunt, in quendam articularis morbi modum repente incident ob plenitudinem ex multis cruditatibus aceruatam.

31 Dolores oculorum, meri potio, aut balneum, aut fomentum, aut uenæ sectio, aut medicamentum epotum soluit.

Singula horum, quæ dixit, magis experientia, quam ratione aliqua, uidetur mihi Hippocra- tes cognouisse. Nihil enim mirum, si homo dolens, cum issit ad balneum, dolore fuit liberatus: uel, si non permisus bibere uinum, deinde nullam ex hoc sentiens utilitatem, motus est ad bi- bendum, alioqui multum appetens uini, & posthac melius se habuit. Sicut igitur & plura alia, quæ medici hoc modo inspexere, sunt ab eis scripta absque aliqua determinatione: ita & hæc mi- hi scripta uidentur ab Hippocrate, neq; ut rationali dicente dispositiones, neq; ut empirico con- cursus.

cursus. Cæterū utilitas, quæ nobis potest aduenire ex sermonibus hoc modo scriptis, est in inquiringendo dispositiones, in quibus meri potio, & balneum, & unumquodque eorum, quæ seriatim dicta sunt, utile sit: quod & mihi contigit: Nam, quod omnino sint aliqui oculis dolentes, quorum non nulli meri potionibus, non nulli balneis iuuentur, fidem Hippocrati adhibens eram persuasus (neq; enim ipse scripsisset, si non uidisset) non tamen ab aliquo præceptorum tale auxilium ægris adhibitum suisse conspicerā. Itaq; primo cum omnes quæsiissim dispositiones, in quibus necessarium est non in oculo tantum, sed & in alijs partibus fieri dolores: deindeq; mihi ipse persuasissim eas adinuenisse, hinc considerauī earum indicia dispositionum: &, postquam his etiam fidem adhibui, ausus sum remedia afferre dolentibus: Ac primum quidem adolescentem balneauī: cui medicus non absque ratione in die secundo ab initio uenam secuerat, & deinceps curauit medicinis, quas experientia cognouerat, cum inflammatio sola ob sideret oculos. Dolebat autem uehementissime per quosdam insultus, in quibus aiebat ipse sentire se acres humores, qui uniuersim fluebant ad oculos: quibus excretis licet uehementia doloris sedaretur, non tamen dolor omnino cessabat. & hoc illi per totam quintam accidit diem, maius semper habens incrementum. Cum igitur dolorē non posset tolerare, me & quandam alterum ex ocularibus medicis aduocauit tūc in urbe Roma probatissimum. Illi itaq; videbatur utendum esse collyrio quodam ex pīs, quæ emplastica nominant & anodynā, id est dolorem sedantia: cuiusmodi sunt, quæ ex cerussa lota, amylo, & papauere componuntur. Nam sic maxime sperabat posse reprimi per emplastica id, quod influebat. & simul sensum per stupefacentia torpescere. Ego uero ab initio suspecta habui talia medicamenta. Neq; enim uehementes reprimunt fluxiones, sed excerni prohibent: atq; ideo si humores fluentes acres extiterint, corneam erodi contingit: si uero multi, extendi ac uehementer irritari, ac si rumperetur: ex quibus, nisi medicamentū fuerit magnopere stupefaciens, dolores impatibiles excitantur. Si uero fuerit adeo stupefaciens, ut ex eo oculi maximam inflammationem non sentiat, necessarium est simul uim uisoriam lædi adeo, ut cessante inflammatione, uel debiliter uel nihil omnino uideant: simul quandam præduram dispositionem, & quæ difficulter sanari possit, in oculorum tunicis relinquī. Cum igitur ista nouissim: atq; animaduerterem humorem influentem non paucum, ualdeq; & acrem & calidum: primum fomento utendum censui, experientiae gratia, tanquam ex ea certius cognitus, qualis nam foret dispositio. Solet enim in his fomentum parumper quidem dolorem mollire, sed alteram fluxionē aduocare. Qua enim ratione potest id, quod in oculis continetur, discutere: eadem ratione alteram quoq; ex uiciniis locis attractabre ualeat. Verum quām primum & aquam calidam & spongiam afferre iussi. æger ipse dixit G expertum esse sāpius tota die id remedium, ac primum dolorem imminuere, sed paulo post maiorem adducere. Quæ ego cum audissem, medicum ocularem expectare iussi, ipsi promittens me etiam absq; frigido medicamento ægrum à dolore liberaturum. Cum autem solo balneo usus essem, ita dolorem sedauī, ut tota nocte dormiret æger, nec semel aliquem eorum, qui iuxta dormiebant, aduocaret. Ab hinc in reliquis, in quibus per signa cognoui influere quidem humores acres ad oculos, non tamen corpus esse plenum: balnei usu dolorem sanauī. Adolescens item alius fuit, qui, quod uicinus urbi non erat, oculorū inflammationem pluribus iam diebus ruri passus fuerat: hūc, quia in eodem statu perseverabat, in urbem profectū intuitus habere oculos squalidos quidem sed ualde tumidas ac plenas sanguine eas, quæ in ipsis uenæ erant: iussi, ut, cum se lauasset, potu uteretur meraciore, & ita se sopori traderet. quod & factum est. somnus enim profundus ipsum inuasit, & mane sine dolore surrexit: mihiq; fiduciam præbuit, ut, in quibus sanguinis copia crassioris in oculorū uenulis contineretur sine plethorica totius corporis dispositione, uteretur uini potione, ut quæ diffundere sanguinē atq; dimouere possit, suiq; motus uehemētia obstructions aperi. Cæterum hæc quidem remedia doloris oculorum fortia sunt. Securissimum autem est fomentum, & omnino aliquam afferens utilitatem, uel tanquam signum ad dignotionem, uel tanquam causa sanitatis oculorum. Nam, cum nihil omnino influit in oculos, fomentum dissoluens eam, quæ in ipsis continetur, superfluitatem, oculis sanitatem restituit. Cum uero adhuc influit: primo quidem, cum adhibetur, suo calore aliquod affert uel mediocre leuamen. quod si paulo post dolorem augear, tunc fit signum dignoscitium, ex quo nos dispositionem comprehendentes, ad totius corporis evacuationem peruenimus: ipso quidem sanguine redundāte, per uenæ sectionem: malitia uero humorum infestante, per purgationem. neq; enim difficile est admodum ab humorum malitia sanguinis copiam distinguere.

32 Balbi ab alui profluuo maxime capiuntur.

Sicuti psellizethæ, id est balbutire, prolationis uitiū est, non uocis: sic & traulizsn, eiusdem significationis uerbum, non potente lingua exquisite eas dearticulare uoces, quæ per t & r, proferruntur, qualis est hæc ipsa traulus, & similes hæc, trepidus, tremit, tradit, trochus, tristis, & quæcunque alias tales. Hæc siquidem omnes exigunt linguam se ampliantem, ac prioribus dentibus innitentem. Cum igitur in aliquibus lingua fuerit imbecillior, male innititur, & sonum t & r, dearticulare nequit, atq; ita ad t & l, pronunciandum labitur. Hoc autem ei contingere potest, quia quo modo

A quo modo sit brevior, quam ipsi conueniat: quod tamen rarissimum existit. & quia molliorē atq; humidiorē habet temperaturā, quamob causam & pueri balbutiunt, cum tale quiddam ipsis in loquendo contingat, quale etiam in ambulando evenit. nam & ambulare non nulli quidem prorsus non possunt, non nulli uero nō sufficienter, cum cruribus nequeant propter mollietatem firmiter inniti. Quibusdā etiam ætate integra, inter loquendū fatigatis, balbutire cōtingit: sicut: & illis, qui plurimū tibia cecinerint, & quisbus uires ex morbo plurimū sunt debilitatæ, & quibus demū lingua est uehementius exiccata. Verum siccitas tanta nulli inesse potest, qui habitum seruet naturalem: atq; ideo solius humiditatis immodecā in ijs qui natura balbutiunt, id prolationis detritum casus est, cum linguae musculi nequeant firmiter stabiliri: atq; hoc ei potest accidere uel propter suam, uel propter neruorū imbecillitatē, quos uidelicet à cerebro suscipit. Quare & ebris aliquando balbutiūt, partim quia multa humiditate perfunditur cerebrum, partim quia etiam ab ipsis multitudine prægrauatur. Contingit igitur ijs, qui sunt balbi natura, ut uel cerebrum humidum habeant, uel linguā, uel utruncq;. Et à cerebro quidē talem temperaturā sortito, defluere multas par est humidas superfluitates, easq; inde fluentes in uentrem suscipi: longisq; ideo profluuijs hominem capi. Lingua uero admodum humida ex natura existēt, & uentriculum talem esse par est, ut qui alteram sui tunicam cōmunem habeat ad linguam. imbecillis autem ex humiditate uen triculi propria passio est diuturnum profluuium.

33 Qui acidum eructant, non ualde morbo lateralī corripiuntur.

Acidum eructantes, hoc est acidum ructum habentes, raro inquit capi à morbo lateralī. Nam, quod dicitur, non ualde idem ostendit, quod raro, non nullo modo: ut quidam libri huius expositoris scripsierunt. Dictum autem à nobis est, ubi de morbo lateralī sermonem habuimus, q; laterali morborum hic quidem, qui unā cum pallidis & flauis fit sputis, ex biliosis humoribus ortum habet: hic uero, qui cum spumeis, ex pituitosis: sicut, qui cum nigris, ex melancholicis: qui uero cū rubeis, ex sanguine. Est enim lateralī morbus inflammatio membranæ, quæ subcingens nominatur. Cum uero unaquæque inflammatio ex alicius humoris superabundantia gignatur, prius natura & sputi species morbo lateralī laborantibus aduenit & spes salutis ac mortis habetur. Non æque autem membranæ ac pulmo sunt natura aptæ humores suscipere. densa siquidem est membranarum substantia, pulmo uero rarus admodum ac laxus: quare huic quidem promptum est pituitosos omnes suscipere humores, membranæ autem subcingenti biliosos magis. Ob hanc igitur causam, quibus pituita natura superabundat, raro à morbo lateralī corripiuntur, præsertim si falso dinem atq; acrimoniam aliquam sibi adiunixerit. Talis. n. intestina mordens, irritat ad deiectionem: in qua contingit non solum pituitam, sed plures alias etiam superfluitates excerni. Dicebat uero ipse in libro De aere aqua & locis, eos, qui habent uentrem natura humidum, morbo lateralī atq; alijs morborum generibus minime corripi.

34 Quicunq; calui sunt, ijs magnæ uarices non sunt: quibus uero caluis magna superuenient iij rursus capillati sunt.

Quando in uiri sapientis libro aliquis sermo inuenitur manifestum habens mandacium, non sine ratione legentes dubitare contingit, & primo quidem sibi ipsiis diffidere, quasi neq; illa, quæ sunt manifesta, noscentibus, deinde suspicari, ne falso fuerit interiectum. Quis. n. nesciat caluitum esse passionem insanabilem: Sed neq; illud uerum est, magnas uarices caluis nunquam aduenire: sicuti nec uaricibus aduentibus, caluitiem cessare: nisi forte (ut non nulli inquiunt) uocatum à medicis capillorum defluuium (Græce madarosin) caluitū nominet. Illud enim à uitiosis humoribus generatur, sicuti quæ ophiasin & alopecian nominant: atq; ideo, cum ijdem humores ad crura decumbunt, possunt uarices facere, & capillos restituere. Si enim prius contigerat, ut capilli à uitiosis humoribus corruptis eorum radicibus, corrumperentur: uerisimile est, ut eisdem humoribus alio transpositis, ad primam naturam postmodum redeant.

35 Aqua inter cutem laborantibus, tuſſis superueniens, malum.

Superuenire passionibus alias passiones & casus, prisci medici dicere consueverunt, quæcūq; ipsius passionis adactæ ratione contingere solent. Talis. n. est Praxagoræ liber de superuenientibus inscriptus. Sic & nunc de tuſſi dictum est. Nec. n. cum ex alia fit occasione in homine aqua inter cutem patiente, tuſſis signum est exitiale, sed qñ ipsius morbi ratione. Cum em in hydrope aquosa humiditas tantū adacta fuerit, ut iam asperas occupet arterias, si tuſſis superueniat, tunc periculum imminet, ne homo haud ita multo post stranguletur.

Dificultatem urinæ, uena ſecta iuvat: fecare uero interiores.

Neq; hic sermo uerus est, niſi, & coniunctionem assumperit: ita ut Aphorismus talis fiat: Dificultatem urinæ & uenæ ſectio ſoluit. Re uera enim & uenæ ſectio ſoluit difficultatem urinæ, illam uidelicet, quæ propter inflammationem & multitudinem fit. Quod autem sequitur, Secare uero interiores: ſi de uenis manuum dicitur, neque uerum est neque consentaneum Hippocrati. Videmus ſiquidem ipsum in omnibus libris suis, in partibus, quæ supra hepar ſunt, ē manibus ſanguinem mittere: in inferioribus autem uenas, quæ in poplite uel talo ſunt, ſecari iubet. Siquis

Extra ord.

i uero

GALENI IN APHORISMOS HIPP.

98

uero de his ipsum dixisse arbitretur, Secare autem interiores: hoc dictum paruam uim habet. Ab E una enim ambæ nascuntur, quæ in poplite trifariam diuiditur, quoniam & una uena ad hoc peruenit membrum, non, sicuti ad manum, duæ. Melius itaq; fuerit & hunc Aphorismum unum ex adiectis opinari.

37 Ab angina habitu si tumor fiat in collo, bonum, foras enim morbus deducitur.

Sermo uerus est, & causa in promptu. siquidem ex intimioribus & principalioribus partibus passiones confert ad cutem transferri.

Cancros occultos omnes melius est non curare. Curati enim cito pereunt: non curati uero longius tempus perdurant.

38 Occultos cancros dixit uel eos, qui sunt sine ulceratione, uel absconditos, hoc est non apparet: quod rursus idem significat, ac si dicere, qui in profundo corporis sunt. Sed & curare, duplex est: unum quidem omnia agere, ut particula patiens ad sanitatem perducatur: alterum autem eam adhibere prouidentiam, quæ passioni congruat, hoc est ipsam mollire, ac mitiore facere, tum precipue, cum adest exulceratio. Tunc enim est necessarium, ut, si non aliud agamus, saltem ichoras abluamus, humido aliquo utentes, no quocunq; sed uel per experientiam, uel per indicationem inuenio, quod neq; putrefacere, neq; irritare partem patientem sit aptum. Ab hac igitur curatio-
ne neq; absistere conuenit: neq; illi, qui sunt sine ulceratione, cancri indigent ea. Aliam uero, quæ fit per sectionem uel ustionem, (quæ sola sunt remedia cancerorum) consulit, ut in canceris occultis non adhibeamus. Quod igitur illi, qui sunt in partibus penitioribus, talia remedia non desiderant etiam experientia docet. Evidem scio omnes, qui huiusmodi cancros curare tentarunt, magis illos irritasse, & breui homines interemisse. Nam, & qui cancrum in palato constitutum, & in sede, & in sinu muliebri, uel usterunt uel secuerunt, non potuerunt ulcera ad cicatricē perducere, & homines in curatione afflictos ac maceratos, usq; ad mortem detulerunt: qui, si curationem non adhibuissent, longiori tempore uitam cum minori molestia trāsegissent. Tales igitur cancros nullo modo curare tentemus. Ex eis uero, qui in summa parte corporis hæret, illos tantummodo, quos possumus una cum radicibus ipsis, ut quispiam dixerit, resecare. Neque enim malum est per similitudinem, radices cancri nominare eas, quæ plenæ sunt sanguine melancholico, uenas, & usque ad loca circumstantia distenduntur. Multi sanè magnæ auctoritatis medici, neque hos manus opera curari permittunt, sed illos tantum, qui exulcerati, simul laborantes molestant, adeo ut ipsi ultro manu curari desiderent: simul sunt in talibus partibus siti, quas possumus una cum radicibus resecare & exurere. Quidam uero neque hos amoliri permittunt, sed omnino absistendum G consulunt à remedij potentibus in omni cancer. Quod autem Hippocrates nunquam consu-
lisset curare potenter cancros in partibus corporis penitioribus conditos, ex ipsa passionis natu-
ralicet conjectari. An uero & eos, qui in summa parte corporis hærent absq; ulcere, incertum est, quantum ex uerbis Aphorismi conjecti potest. Ipsum uero scripserunt Artemidorus, & Dioscorides, usq; ad ea uerba, melius est non curare.

39 Convulsio fit uel ex repletione, uel inanitione: ita uero & singultus.

Conuulsio (ut & ipsum indicat nomen) conuulsis fit ad propria capita musculis, ut autē clarius diceretur, retractis, sicut etiam est motus eorum secundum naturam. Verum hic quidem nō fit si-
ne animalis appetitu: conuulsio autem, passio est inuoluntaria, ad similem uenientibus neuosis partibus dispositionem, quam etiam in motibus factis secundum appetitum assument. Nam ex repletione ita nerui intenduntur, ut chordæ in ualde humidis ambientis nos aeris constitutio-
nibus, atque ideo propter hanc causam etiam rumpuntur. idem uero & in siccioribus constitutio-
nibus accedit: nam in sese colliguntur ac conuelluntur omnia neruosa corpora violentius exic-
ta: ueluti lora, si paulo magis ab igne calefiant: quibus similia patiuntur, & quæ solis feruor exic-
cauit. Conuulsio igitur non absq; ratione à contrarijs fit causis. Singultus uero cōcedatur conuul-
sio stomachi nominari, quando aliud fuerit sermonis propositum. Quando uero hoc solum stu-
duerimus, ut singultus substantiā cognoscamus: melius fortassis fuerit nō conuulsionē ipsum no-
minare, sed quendam motum eiusdem quidem generis, cuius uomitus, intentiorem tamen illo, &
uehementiorem. Nam stomachus appetens eorum aliquid, quæ in ipso continentur, expellere,
ad duos mouetur casus, uehementiorem quidem in singultibus, mediocrōrem illo in uomitibus.
siquidem in uomitibus appetit ea tantum, quæ in uentriculi spacio latiori continentur, expellere
in singultibus autem ea, quæ sunt in ipso uentriculi ore penitiora. Per stomachum nunc à me in-
tellexis non solū eum, qui ita proprie nominatur, sed & uentriculi os. Quæ enim in hoc continen-
tur, ipso appetente uentriculo expellere, singultus fit. Quod uero eorum, quæ difficulter excernū-
tur, & quæ ueluti absorperit uentriculi os, fiat per singultus excretio, discere licet ex ijs, quæ quo-
tidie eueniunt, omnibus ferè, plus minus. Si quis enim acre aliquid, ueluti piper per se solum de-
glutierit, uel cum melle, uel aliquo alio, & postea uinum biberit aqua calida temperatum, statim
singultiet, calore quidem potus piper ad interiora duehente, eius uero acrimonia uentriculum
molestante: unde conatur motu uiolentiore rem infestantem expellere. demonstratum autem est
à nobis

A à nobis in libris De causis casuum, & tussim, & sternutationē, & rigorem ex talibus motibus esse.

40 Quibus dolor circa hypochondrium fit absq; inflammatione, ijs febris superueniens dolorem soluit.

Sequitur quidem & ad morsus dolor: sed consueti sunt morsus nomine, non doloris, tales casus appellare. Fit etiam dolor propter quandam similem inflammationi dispositionem. Sic autē nominata est, quoniam & erysipelata dolor consequitur. Quando igitur non ob talem dispositio nē dolor hypochondriū occupauerit, & morsus sensus abfuerit, relinquitur, ut dolor fiat, uel propter obstructionem, uel propter spiritum flatuosum, uel ob aliquam intemperiem in æ qualē, quæ omnia febrilis calor aptus est natura sanare: hæc quidem incidens, extenuans, atq; dissoluens: hæc uero ad temperaturæ æqualitatem perducens.

41 Quibusq; suppuratio in corpore existens non innoteſcit: ijs ob crassitudinem puris aut loci non innoteſcit.

Duplex est huius loci scriptura, & duplex expositio, & utraque non caret ratione. Nam & propter puris crassitudinem, & propter loci, sæpius occultatur puris in aliquo loco comprehensi no titia. Recete ergo nō nulli scripſerunt, His propter loci crassitudinem: non nulli uero, His propter B puris crassitudinem non innoteſcit.

42 Morbo regio laborantibus si fiat hepar durum, malum.

Morbum regium hoc loco dicit, qui fit ex hepatis inflammatione. Tunc enim duricies ostendit uel tumorem prædurum, uel inflammationem in hepate existere: quemadmodum & sine hac contingit aliquando, propter eius obstructionem, morbum regium aduenire: cōtingit & ipsa natura, per modum criseos humorem exuperantem in uenis contentum, ad cutem expellente.

43 Quicunq; lienoſi à difficultate intestinorum capiuntur, ijs superueniente longa difficultate intestinorum, aqua inter cutem, aut lœuitas intestinorum aduenit, & moriuntur.

Oportuit huic Aphorismo illum præponi, in quo dicit, Lienosis difficultas intestinorū superueniens, bonum. Sed ille quidem inter sequentes scribitur, post quatuor alios intermedios: nobis autem necessarium est nunc ipsius meminisse. Quicunq; enim lienoſi sunt, hoc est, qui durū iamdiu habent lienem, ijs superuenientis difficultas intestinorum soluit dispositionem, quando scilicet ratione transpositionis atque euacuationis humorum crassorum ac melancholicorum lieni infesterum euenerit. Sed, quoniam sæpius huiuscmodi euacuationes ultra modum extenduntur, & noxiæ sunt laborantibus: conuenienter Hippocrates, quem finem habeat immoderata difficultas intestinorum, ostendit, quæ talibus aduenit dispositionibus. Læsis siquidē intestinis à transitu uitiosorum humorum, & uis eorum laborat, & temperies natuī caloris aboletur. ob hanc igitur causam, & aqua inter cutem, & lœuitas intestinorum, superueniunt: lœuitas quidem intestinorum ex sola intestinorum læsione: aqua uero inter cutem, propter hepatis compassionem, atq; lienis, & omnis uenosi generis.

44 Quibus ex stillicidio urine, ileos superuenerit: in septem diebus pereunt, nisi febre superueniente, satis urina fluxerit.

In ileo nihil exit inferioris, neq; si quis acerrimo utatur clystere. Vomitus autem stercoris aduenit ijs, qui exitialiter se habent. Quod igitur interclusa uia inferioris exitus, hæc passio fiat, quodq; in tenuibus intestinis, nō autem in crassis, omnes ferè fatentur: Cæterum, quod propter inflammationem & propter obstructionem stercoris sicci, uel humorū crassorum aut tenacium, dictum est à pluribus. Mihi uero uidetur uel inflammatione, uel durus tumor, uel abscessus, tantā facere posse loci angustationem, ut nihil possit ad inferiora transmitti: Quod autem humores crassi atq; tenaces in causa sint, non admodum mihi uidetur probabile. Verum & hoc (si libeat) ponito: & si quid aliud dicitur præter hoc. Verū id, quod est ab omnibus ferè suscepit, qui Aphorismos exposuerūt, incredibile mihi admodum uidetur. A iunt enim, quod, quando uesica inflammatur, angustia loci ex cōpressione in quibusdā intestinis facta passionē affert, quæ ileos nominatur. Ego uero multos me puto in tota uita mea uidisse, non nullos tantum periclitatos, non paucos etiam mortuos ex retentione urinæ, quibus tunc manifeste omnibus secundum propriam circumscriptionem plena uesica apparebat, adeo ut supra modum esset extenta: dolorq; ut par est, inde accresce ret: & tamē nullus eorum factus est ileosus. Quo modo igitur quispiam unquā persuaderetur, ob uesice inflammationem angustiore facto intestino, ileon aliquando prouenire? Non magis sane, quam ex tumore uteri in muliere grauida. siquidem usq; ad hypochondria prægnantium tumor extēditur, & magis comprimere potest atq; angustare intestina tenuia: uesica uero, si in tumorem attollatur, solum potest rectum comprimere intestinum. Quidam uero etiam dicunt absurdius, quod febris superueniens conferat ileo. Nam febris quidem ex inflammatione uesicæ non absq; ratione fieret: quin, quanto illa maior ac grauior, tantum augeri febrem contigeret, cum casus sit inflammationis. Ileos uero (ut ipsi aiunt) ex inflammatione ortum habuit, & unam tantum spem habet solutionis, inflammationis cessationem, cum qua etiam febrem sedari est necessarium. Bonum igitur signum solutionis earum, quæ sunt in ileo, passionum est febris, uel remissa, uel soluta, superuenientes autem febris, uel aucta, neq; bonum signum est, neq; causa bona. Notimus enim illis

Extra ord.

i 2 tantum



GALENI IN APHORISMOS HIPP.

100

tantum morbis conferre febrem, qui ex frigiditate fiunt, aliquando quidem sola, aliquando uero cum humoribus crudis, pituitosis uel flatuosis spiritibus. Melius est itaq; si fateamur nos ignorare, quæ in hoc Aphorismo Hippocrates dixerit: neq; enim ratio, eorum indicat ueritatem, neque experientia docet. Tertium autem nullum aliud habemus ad fidem faciendam. Quod si unquam talis ægrotus uisus est aut ab Hippocrate, aut ab aliquo alio (neq; enim, an legitimus sit hic Aphorismus, dicere possum) multitudinem humorum crudorum unacum multa frigiditate, melius est talium in illo casuum, qui dicti sunt, causam arbitrari. Sic enim tantummodo febris esset medicina huiusc dispositionis & retentarum urinarum euacuatio. nam reuera consueuerunt urinæ crassæ, & plurimæ, repente simul illis concoctis euacuari.

45 Vlceræ quæcunq; annua sunt, aut etiam diuturniora: os abscedere est necessarium & cicatrices cauas fieri.

Quæcunq; ulcera longo tempore manent, uel cicatrice nullo modo adueniente, uel si facta sit, rursus resoluta, nihil uidelicet medicis in curatione delinquentibus: necesse est uel propter influxum uitiosorum humorum, uel propter dispositionem in membro longo tempore contractari ex humoribus influentibus, uel ob aliquam passionem ossis in eo loco corrupti difficulter sanari. Alia itaq; ulcera semper maiora & deteriora fiunt: atq; hæc omnia Phagedænas antiqui nominabant. Quidam uero posteriores ea distinguere cogitarunt, propriamq; singulis appellationem indiderunt, quædam Chironia, quædam Telephia, quædam Phagedænas nominantes, aliasq; curiosas adhuc magis appellationes afferentes. Nobis uero sufficiet ex ijs, quæ aliquid loci circumstantis occupant, alia Herpetas, id est repentes nominare, quæ summam cutem tantum infestant: alia Phagedænas, id est exedentes, quæ carnē subiectam corrumpūt. Nam, quod putridum atq; deponens à non nullis ulcus uocatur, non est propria ulceris differentia, sed passio implicita ex ulcere atq; putredine. Scimus autem, q; & absq; ulcere putredo ipsa per seipsam in multis corporis partibus consistit. Vocatur etiam Anthrax, id est carbo, ulcus escharosum, cui adiungitur multum partium circumstanti inflamen. Hæc igitur propriam habuere appellationem, Anthrax, Phagedæna, & Herpes. Quæcunq; uero ulcera fiunt sine dictis casibus, hæc ipsa per seipsa solebant antiqui Vlceræ tantum nominare: de quibus nunc Hippocrates loquitur, edocens, quæcunque talia sunt ulcera, in longum tempus protrahi. Videtur autem experientia rationi astipulari: multaq; saepius ex hoc genere ulcerum, cum non post multum tempus fuerint ad cicatricem perducta, rursus inflammantur, ac iterum dirumpuntur, ipsarum cicatrice soluta. Fit autem hoc talem aliquam ob causam: Quando ex adhibitis medicamentis caro, quæ ossi superiacet patienti, exiccata contraxerit cicatricem, statim quidem integra sanitas restituta uidetur: rursus uero paulatim aliquo influente ichore ex osse corrupto in parte penitiore, iterum aduenit inflamatio, & puris generatione consequitur: à quo quidem cicatrix eroditur, caro uero exulceratur. Quænam igitur est talium sanatio ulcerum? Non profecto alia, quam ab ipso scripta in libro de ulceribus, & à nobis in tertio de methodo curativa demonstrata. siquidem ulcera omnia exiccare oportet, præcipue uero, in quibus patitur os. Terminus autem siccitatis est, ut abscedat pars ossis, quæ uitiata est. Quare non absque ratione tantum fieri cauas cicatrices contingit, quantam habuerit abscessus crassitudinem.

46 Qui gibbi ex asthmate aut tuſſi fiunt, ante pubertatem moriuntur.

Gibbos (Græce ὑβρίς & κυφός) solet Hippocrates nominare, quos nunc omnes homines conuexos (Græce κυρτός) appellant. Nam & uere eis est spina in partem posteriorem conuexa. Conuexo igitur opponitur cauum, gibbo recurvum seu repandum (Græce λεγόδον). Sed hæc quidem de sola spina Græci dicunt, illa uero de omnibus. Quo modo uero gibbositas fiat, ipse narravit in libro De articulis, sicuti & de repanditate, obstipitate, & quassatione. Hæc enim sunt propriæ atq; præcipue spinæ passiones: oportet autem illum, qui uult istarum passionum habere notitiam, ijs, quæ in eo libro scribuntur plenius incumbere. Nunc uero à nobis ea dicentur, quæ ad propositū Aphorismum uidentur utilia. Gibba fit spina aliquando propter ictum, aut casum: gibba etiam fit propter quædam tubercula dura, quæ in parte anteriore consistunt: à quibus si quando una uerbra trahitur ad anteriora, recurva fit eo loco spina. ita & si plures fuerint se ordine consequentes. quando uero non fuerint continua hæc, quæ tenduntur uerbrae, gibbositas fit tantum partibus retro tendentibus, quantum uerbrae extentæ sunt ad interiora reflexæ. nam hoc fieri uidetur in omnibus duris mediocriter tentis, ueluti calamis, uiminiis, uirgis, & omnibus alijs huiuscmodi. dictū est de his plenius in expositionibus libri De articulis. Nunc uero eos, qui gibbi facti sunt ex asthmate & tuſſi, ante pubertatem cito inquit interire. Nec enim uult in his thorax, ut ipse dixit, una cum alijs augeri, atq; ideo magna angustia premuntur ea, quæ respiratione obseruiunt, instrumenta. Omnibus siquidem est commune, qui sponte gibbi facti sunt, hoc est, quibus sine ictu uel casu spina passa est: propter dura tubercula & concoqui difficultia, tales fieri. Sed, cum multa sic in tuberculis, quo ad tumorem, duritiem, & locum, in quo consistunt, differentia: quæ dura simul ac magna sunt, statim difficultem faciunt hominibus respirationem, quæ uero ex suo humore aliquid ad asperam mittunt arteriam, reddunt tuſſiculosos. Verum, quæ talia sunt, ut mittant ex suo humore

A humore aliquid, non sunt dura exquisite, atque ideo necessarium est eis aliquando suppurari, & hominem occidere. Quæ uero nihil mittunt, ex crassis humoribus ortum habent, atque ob id dura sunt, & incocata, & longo permanent tempore antequam suppurentur, atque ideo non perimunt hominem. Quæ uero (ut dixi) una cum tussi ortum habuere, properant ad suppurationem, atque ideo sunt exitialia. Sic & quæcunque cum difficulti anhelitu fiunt, sunt ijs, qui adhuc augentur, perniciosa. uel enim hæc magna sunt: uel in loco thoracis ad uitam opportuno. Cum igitur pulmo una cum corde in talibus augeatur, locusq; continens minor efficiatur, costæ uero non ageantur, & se flectendo, propter gibbositatem thoracem faciant angustiorem: necessarium est tantam breui tempore fieri anhelitus difficultatem, ut homo corruptatur. Nam si nondum gibbositate superueniente, propter solos tumores extra naturam, difficilem habebant anhelitum: quid debemus expectare, cum tubercula sunt processu temporis adacta, thorax autem factus angustior? Quod autem, cum multæ sint spirandi difficultates, solam illam Hippocrates asthma consueuerit nominare, in qua contingit ualde crebrum anhelitum fieri, clarum admodum existit. Appellantq; nunc homines eo nomine, illam, quæ fit in cursibus & uehementioribus exercitijs, respirationem. Hippocrate autem posteriores, & passionem aliquam pectoris diuturnam, B non nulli simpliciter asthma nominant, non nulli orthopnoeam, quando absque febre ægroti iugiter anhelitum habent difficilem.

47 Quibusq; uenæ sectio, uel purgatio cum medicamento conuenit, hos uere purgare, uel uenam incidere oportet.

Liquet, quod de ijs, qui adhuc sanis, sed ægris futuri sunt, nisi euacuentur, nunc sermo habetur Hippocrati. Hos enim oportet, ut anticipemus euacuare uere adueniente, uel per uenæ sectionem, si plenitudinis passionibus subiectiūt: uel per purgationem, si eis, quæ ex corruptione proueniunt. Nos itaque plurimos ita seruauimus annos, qui longo ante tempore singulis annis morbis capiebantur. Atque podagram, & morbum articularem adhuc incipientem, & nondum poros circa articulos facientem, ex tali euacuatione multis iam annis fieri prohibuimus. Eodem modo & sanguinis spuitionem, morbum comitiale, apoplexiā, melancholiā, & alias huiuscmodi diuturnas passiones in multis hominibus per dictam euacuationē sustulimus. Venæ itaq; sectio, commune auxilium est earum, quæ ex plenitudine fiunt, dispositionū: purgatio uero quāuis, si secundum genus inaudias, unum quoddam auxilium existat, non tamen secundum speciē. Non nullis siquidem confert humores pituitosos euacuare, non nullis uero amaram bilem, non nullis atram, non nullis serofam superfluitatem, secundum naturam earum, quæ consueuerunt su C peruenire, passionum. Velut quidam singulis annis incidit in melancholiā, nisi purgetur: & est res mira, quo modo morbo iam inchoante, statim homo præsentit primam eius generationem: & me aduocato purgatis humoribus atris, casset protinus melancholia: huic homini ex purgatione ambo hæc optima eueniūt, quod & superfluitates expelluntur, & quod ex acritudine eorum, quæ excernuntur, parumper aperitur os uenæ, quam uocant hæmorrhoida, per quam excernitur pars aliqua sanguinis uitiosi consueti euacuari: quo retento superuenit melancholia. Purgo igitur ipsum, non uere tantum, sed etiam autumno: & sicuti dixi, si ex contemptu aliquando purgationem omiserit, & morbum non anticipauerit, casus persentit passionis. Sic & mulierem quādam, singulis annis uere inchoante similiter euacuans, cum aliquando tumorem cancrosum in mammilla pateretur, forti atque frequenti medicamento purgante atram bilem, ad sanitatem perduxī. Et si quando purgatio omitteretur, dolorem profundum sentiebat: & me aduocato, statim uolebat euacuari. In altero elephantem inchoantem, primum per uenæ sectionem & purgationem sanauit: & singulis annis rursus huic sufficit una purgatio: & ea omissa, statim passio innotescit. Morbi itaq; huiuscmodi, atri humoris exigunt purgationem: comitialis autem, & apoplexia, & asthma, pituitosi: articulares autem, si cum multa fuerint caliditate, amaram bilem uolunt D euacuari: si uero cum frigidis tumoribus, pituitam. Quidam aliis tempore astiūo semper febribus tertianis corripiebatur: sed multis iam annis non febricitauit, quoniam à nobis purgari circa finem ueris anticipauit. Sic enim melius est tales euacuare, sicuti illos, qui morbo comitiali, apoplexia, & melancholia, & articulari, & alijs passionibus, quæ ex crassis humoribus generantur, præstat circa ueris initia euacuare: de quibus omnibus seorsum à nobis scriptum est in illo tractatu, qui inscribitur, de ijs, qui uerno tempore egent euacuatione. Est autem iste tractatus pars totius salubris tractationis.

48 Lienosis difficultas intestinorum superueniens, bonum.

Paulo antea hunc Aphorismum exposui, cum sermo habebatur de Aphorismo in hunc modū scripto: Quicunq; lienosi à difficultate intestinorum capiuntur, ijs longa facta intestinorum difficultate, aqua inter cutem superuenit, uel leuitas intestinorum, & moriuntur. quare isti nunc proposito nulla expositio est necessaria.

49 Quibusq; morbi podagrī fiunt, ij sedata in quadraginta diebus inflammatione, finiunt.

Podagricorum inflammatio fluxione fit ad articulos pedum decumbente. hanc aut fluxionem Extra ord. i 3 suscipiunt

GALENI IN APHORISMOS HIPP.

102

suscipiunt primum quidem loca De articulationum, deinceps circūstantia omnia usq; ad cutem. E
Quia uero impleri dicimus de articulationes, liquet etiā esse necessarium ea, quae ipsis circūiacēt,
ligamenta extendi. Nervos em & chordas seu tendones non est rationabile in ipsis inflāmari, sed
solum dolere, quia simul cum De articulationibus extenduntur, argumento, qm uisus est nunquā
podagricus pati conuulsionem, quae frequenter solet in nervorum ac chordarum inflammationi
bus aduenire. uerū intentio sanationis in eis, cōmūnis est omnibus inflammatione laborantibus.
Nam, discutiatur, oportet, id, quod ad pedes fluxerit, si quidem tenuorem habuerit substantiam,
tempore breuiore: si uero crassam uel tenacem, longiore: longius adhuc tempus requiret, si simul
crassum atq; tenax illud, quod defluxit, existit: ultra tamē spaciū dierū quadraginta nō proroga
bitur curatio inflāmationis, si & medicus in suo opere nō aberrauerit, & æger illi in omnibus obe
dierit. Quæ uero carnosas partes occupat inflāmatio, morborum acutorum subiicitur termino,
diebus scilicet quatuordecim, quoniam carnis substantia mollior est ac rario ligamentis: unde et
tardius inflāmari incipit natura ligamentorū, chordarum, atq; nervorum ex ictu, & longiori tem
pore ad consistentiam inflāmationis perueniunt, ac tardius sanantur. Qua enim ratione uix ali
quid in se humoris externi suscipiunt, cum duræ sint ac densæ huiuscmodi partes, hac ipsa ratio
ne cum difficultate dimittunt. Quapropter Hippocrates podagricis inflammationibus terminū F
integræ solutionis non diem quartum decimum, sed quadragesimū posuit, quia, qui in De articu
lationibus humores insunt, per ligamenta ipsas amplexātia oportet per modum uaporis euacua
ri: item qui in ipsa ligamenta inciderunt. Meminit autem & in prognostico quadragesimi diei, ut
in quo iudicantur, quæcunq; non sunt diuturna exquisite, & acutorum terminum exciderunt. Di
ctum autem est plenius de talibus in tractatione dierum iudicatoriorum.

50 Quibusq; præciditur cerebrum: ijs necesse febrem, & bilis uomitum superuenire.

Præcisso cerebro febris aduenit ea ratione communi, qua quolibet membro principali patiēte
inflammationem, subsequitur febris. Bilis uero uomitus fit compatiente uentriculo propter eius
cum cerebro communicationem, ore præsertim ipsius, ad quod terminatur ex cerebro effatu di
gna quedam nervorum coniugatio. Consuevit quidem & aliter in magnis doloribus, atque mo
roribus fortibus ad uentriculum fluere biliosa superfluitas: & multo magis, cum ipse male affectus
fuerit. Ad ea enim, quæ talia sunt, feruntur partium proximarum superfluitates præsertim quæ te
nuem habent substantiam, qualis est ipse biliosus humor, atq; cum eo quæcunq; serosa superflui
tas, quæ sèpius in uomitibus bili cōmiscetur. Siquidē raro admodū accidit, ut bilis exquisita euo
matur, cui serosam superfluitatem non videamus admistam. Apparet autem & in sanis, cū diu à ci
bo abstinerint, in illis præsertim, qui natura sunt biliosiores, tales in uentriculum humores ad
mitti: quod & ipsius morsus & uomitus manifestant. Non solum autem cerebro uulnerato euo
mūt homines bilem, sed & dura membrana ipsum circumstante, quæ, cū in multis partibus sit ce
rebro agnata, citissime ei cōmunicat proprias passiones. Erasistrati aūt sectatores, cum membra
nas uelint esse principia nervorum, membranam crassiorem inquit suæ naturæ ratione, si sola sit
uulnerata, tales afferre casus. Si uero usq; ad cerebrum uulnus peruererit, quoniam ambæ mem
brane prius illud admiserint, sic nuper dictarum passionum sequi ortum fatebuntur. Dixi autem
Erasistrati sectatores, & nō ipsum Erasistratum talia dicturos, quoniam, cum iam senex esset, (ut
illi inquiunt) scripsit libros sectionum, in quibus cerebrum esse nervorum principium demon
stravit. Dictum autem est de his in commentarijs de Hippocratis sectione.

51 Quicunq; sanis dolore capitis re pente capiūtur, & statim muti fiunt & stertunt, in septē diebus pereunt, nisi febris apprehenderit.

Mutos (Græce ἀφώνοι) solet Hippocrates nominare nō eos tantum, quibus laeditur vox, uerū
per exuperantiam quandam unā cum eius læsione dat nobis intelligēdas omnes, quæ sunt secun
dum electionem, operationes. Non nunquam igitur illis oblæsis non interiūt sensus. Quos igitur H
ipse mutos appellat, contingit esse sentientes: sed sèpius utracq; patiuntur: & talem affectum uo
cant apoplexiā. Est autem & hæc alia quidem debilis, alia uero fortis: atque ideo dixit, Soluere
apoplexiā fortē impossibile, debilem uero non facile. Videtur autē nunc fortis apoplexiā in
dicium apposuisse, quod stertere dixit, quod etiam profunde dormientibus accidit, quo ad dispo
sitionis similitudinem, secundum diuersum quidem utrisque modum, nihilominus, quatenus ali
quid habent cōmune, ut stertant, consequitur. Est autē commune ambobus, eius, quæ sit per ner
uos, operationis debilitas: & dictū est de his amplius in ea, quæ de locis affectis inscribitur, tracta
tione. Nūc uero, quantū ad expositionē Aphorismi sufficiet, dicetur à nobis. Quibus sanis dolor
in capite repente aduenerit, causam referre oportet in primis ad spiritum flatusum: interdum ue
ro & ad influentis uniuersim materiæ multitudinem: quam & nunc ad cerebrum fuisse delatam
indican casus, qui post dolorem superuenerunt, per quos, & q; sit quedam materia pituitosa cō
monstratur: atq; idcirco febris superueniens soluit dispositionem, ut quæ calefaciat, extenuet, atq;
resoluat spiritum flatusum, & pituitosos humores. Fit autem hoc non nunquam tribus diebus
aut quatuor, non nunquam uero pluribus, non tamen ultra dies septem, quia pars est principalis:
tales uero partes non diu tolerant fortis simul ac diuturnas passiones: ut sèpius ostendimus.

Oportet